



Na osnovu člana 20a. Zakona o radu ("Službene novine Federacije Bosne i Hercegovine", broj: 26/16 i 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19) i Odluke o potrebi prijema u radni odnos, a u vezi sa Programom zapošljavanja kadrova u zdravstvenim ustanovama Tuzlanskog kantona za 2019. godinu broj: 13/1-34- 8432/19 od 18.04.2019. godine, Javna zdravstvena ustanova Opća bolnica Dr. Mustafa Beganović Gračanica raspisuje

JAVNI OGLAS

za prijem doktora medicine u radni odnos na određeno vrijeme

I

Javna zdravstvena ustanova Opća bolnica Dr. Mustafa Beganović Gračanica, sa sjedištem u Gračanici, ulica Mehmeda Ahmedbegovića br.50 (u daljem tekstu: Opća bolnica Gračanica), vrši prijem u radni odnos ukupno 3 doktora medicine na određeno vrijeme u okviru Programa zapošljavanja kadrova u zdravstvenim ustanovama Tuzlanskog kantona koji realiziraju Ministarstvo zdravstva Tuzlanskog kantona i Zavod zdravstvenog osiguranja Tuzlanskog kantona.

II

Prijem u radni odnos se vrši na određeno vrijeme bez obavljanja probnog rada za sljedeće pozicije

1. Doktor medicine 3 izvršioca

III

Kratak opis poslova:

Doktor medicine – obavlja preglede, liječenje i rehabilitaciju odraslih, djece i ugroženih grupa, - propisivanje terapije i praćenje toka liječenja - određivanje laboratorijskih, radioloških i drugih dijagnostičkih postupaka, - upućivanje oboljelog na dodatne specijalističke pretrage, bolničko liječenje i rehabilitaciju - davanje stručnih savjeta pacijentima- obavljanje preventivnih pregleda ugroženih grupa stanovništva.

IV

Kandidati trebaju ispunjavati sljedeće opće uslove:

- da su državljani Bosne i Hercegovine,
- da imaju najmanje 18 godina života (ili najmanje 15 godina života uz ispunjenje uslova iz člana 20. stav 2. Zakona o radu),
- da su zdravstveno sposobni za obavljanje poslova za koje se prijavljuju

Kandidati trebaju ispunjavati sljedeće posebne uslove:

- da imaju završen medicinski fakultet,
- da imaju položen stručni ispit,
- da posjeduju licencu za samostalan rad izdatu od strane nadležne komore.

Pored navedenih općih i posebnih uslova, kandidati moraju ispunjavati i poseban uslov utvrđen tačkom 2. alineja 2. Programa zapošljavanja kadrova u zdravstvenim ustanovama Tuzlanskog kantona broj: 13/1- 34-8432/19 od 18.04.2019. godine da bi mogli biti korisnici ovog Programa, odnosno moraju biti nezaposlene osobe prijavljene na evidenciju nezaposlenih Službe za zapošljavanje Tuzlanskog kantona.

Ispunjenost općih i posebnih uslova Javnog oglasa računa se danom predaje prijave na Javni oglas.

V

Prilikom prijave na Javni oglas, kandidati su obavezni uredno popuniti Prijavni obrazac koji mogu pronaći na web stranici ustanove i uz isti dostaviti sljedeću dokumentaciju kao dokaz o ispunjavanju općih i posebnih uslova:

- izvod iz matične knjige rođenih,
- uvjerenje o državljanstvu (ne starije od šest mjeseci),
- PBA-3 obrazac,
- diplomu o završenom medicinskom fakultetu,
- uvjerenje o položenom stručnom ispitu,
- licencu za samostalan rad,
- uvjerenje da su prijavljeni na evidenciju nezaposlenih Službe za zapošljavanje Tuzlanskog kantona.

Kandidati koji po posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Popunjene prijavne obrasce, zajedno sa traženim dokumentima, kandidati dostavljaju u zatvorenoj koverti lično ili na adresu: JZU Opća bolnica "Dr. Mustafa Beganović" Gračanica, ul. Mehmeda Ahmedbegovića br.50. sa obaveznom naznakom: „Prijava na Javni oglas za prijem doktora medicine u radni odnos“ „Ne otvarati“

VII

Rok za prijavu kandidata na Javni oglas je osam dana od dana objavljivanja. Svi dokumenti koji se dostavljaju uz prijavu na Javni oglas moraju biti u originalu ili ovjerenjima u fotokopiji.

Neuredne, nepotpune i neblagovremene prijave neće se uzimati u razmatranje. Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, te će biti obaviješteni o terminu polaganja pismenog i usmenog ispita.

Izabrani kandidati de biti u obavezi da, najkasnije u roku od osam dana od dana konačnosti odluke o prijemu u radni odnos, dostave ljekarsko uvjerenje kao dokaz da njihovo zdravstveno stanje odgovara uslovima radnih mjesta za koja su izabrani.

Opća bolnica Gračanica nema obavezu vraćanja dokumentacije kandidatima.